

PUOGAE YA MOPHATO 1

Toro ya ga Dudu



SETSWANA

Maemo:

3

Buka

3



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeleditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgang fa e ba letla go dira jalo.




Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.


Toro ya ga Dudu



Bosigo jwa maabane,
Dudu o ne a buisa buka
e e ka ga diphologolo.
Morago o ne a robala
mme a lora.



Dudu o ne a lora eng?
O ne a lora a na le dibaluni
di le thataro tse di neng
tsa mo fofisetsa kwa godimo
mo lefaufaung.



Fa a ntse a fofa, Dudu
a kopana le nonyane.

"Dumela nonyane, a o nna
fano?" ga botsa Dudu.

"Ee, sentlhaga sa me ke se",
ga tswirinya nonyane.





nonyane

senthaga



Morago Dudu o ne
a kopana le kgabo.

“Dumela kgabo, a o nna
fano?” ga botsa Dudu.

“Ee, setlhare se ke sa
me”, ga kokoretsa kgabo.




kgabo



“Dumela Rre Tau le Rre
Lengau, a le nna fano?”
ga botsa Dudu.

“Ee, re nna mo sekgweng”, ga
rora Rre Tau. “Ee, ke nnete”,
ga ngaola Rre Lengau.



tau




lengau



"Dumela tlou e kgolokgolo,
a le wena o nna fano?"
ga botsa Dudu. "Ee, legae la
me ke lona le", ga poroma tlou.




"Le nna ke nna fano", ga
gona tshukudu. "Le nna fela
jalo", ga sebaseba tshoswane e
nnye. "Ke nna mo seolong sa
ditshoswane".



tshoswane





tshukudu





tlou



Dudu o ne a fofela kwa
nokeng. "Dumela Rre Kubu,
a o nna fano?" ga botsa
Dudu.

"Ee, ke noka ya me eno,
mme ke nna fano le khudu",
ga bua Rre Kubu.





kubu



noka




"Dumela Rre Kwena,
a le wena o nna fano?"
ga botsa Dudu.

"Ee ke nna fano!" ga bobora
Rre Kwena. "Mme fa o sa
tloge fano, ke tlaa go ja ka
nako ya dijo tsa dilalelo!"




"Thusang! Thusang!"
ga lela Dudu.




kwena

"Ga ke kgone go fofela kwa morago! Rre Kwena o ya go nja!" ga lela Dudu.

"Tsoga, Dudu. O a lora",
ga bua mmaagwe Dudu.
"Ke nako ya go ya kwa sekolong".





Dudu o ne a tlotlela
mmaagwe ka ga diphologolo
tsotlhé tse a kopaneng le
tsona mo torong ya gagwe.
"Dingwe di nna mo ditlhareng,
dingwe mo sekgweng mme tse
dingwe di tshela mo metsing",
a tlotlela mmaagwe.
"Mo torong ya me ke ne ke
fofa mo godimo ga tsona
tsotlhé". A rialo a ntse a
tabogela kwa beseng ya
sekolo.



Ditirwana tsa puiso ya ditlhophha



I

Lebelela diphologolo tse Dudu a di boneng. Di bidiwa eng? Di nna kwa kae?





2

Batla lefoko le le tshwanang le le le mo
lebokosong la ntlha.

leng	kae	leng	eng
morago	koo	morago	seo
fano	nna	fano	koo
kgone	kgona	kgono	kgone
mang	mang	eng	goreng
tshela	lorato	tshela	rata
nna	na	nna	nne
gona	gona	gone	goma
ke	ke	ka	ko




3

Batla dipolelo tse di nang le khutlo •
letshwaopotso ? le ditsejwana “ ” mo
kgannyeng. Di kopolololele mo bukeng
ya gago ya dithutiso.



4

Direla tirwana e e latelang mo bukeng ya gago ya dithutiso.






Thala setshwantsho sa nngwe ya diphologolo tse di kailweng mo bukeng e. Kwala dipolelo di le 2 ka ga phologolo eo.



5

Dira mpopo wa monwana

- Gatisetsa setshwantsho sa mpopo wa monwana wa phologolo mo pampitshaneng mme o se segolole.
- Dirisa dikheraeyone tsa gago go khalara mpopo wa gago wa monwana.



Kwa pele

Kwa morago



PUOGAE YA MOPHATO 1



Buka 3

Leina kana setlhogo:	Toro ya ga Dudu
Puo:	Setswana
Maemo:	Padiso ya Puogae ya Mophato 1 Maemo 3 Buka 3
Mofuta wa sekwalwa:	Kanelo
Mafoko a tlwaelo:	ka, eng, se, mo, fa, go, ledile, rile
Tlotlofoko:	fofa, buile, rorile, gonile, poromile, sebile, bogotse, galefile
Medumopuo:	ng, ts, ph, tsh, mm, rr, g, l
Diteng, marel le bokgoni:	<ul style="list-style-type: none">Dirisa ditshwantsho go lemoga le go naya maina a diphologolo.Tlhalosa gore diphologolo di nna kae.Lemoga le go nyalanya mafoko mmogo.Kopolola dipolelo tse di nang le khutlo, letshwaopotsa le ditsejwana.Thala setshwantsho o bo o kwala dipolelo di le 2.Dira mpopo wa menwana.

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.


Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekathlaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiborutelong tsa bona.

ISBN 978-1-4315-2673-4



ISBN 978-1-4315-2673-4



**THIS BOOK MAY NOT
BE SOLD.**



basic education


Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 1:



Segwagwa se ya kwa sekolong

Ke kgona go buisa

Re ya kwa sekolong rotlhe

Letsatsi la metshameko la
diphologolo



Re rata kgwele ya dinao

Diaparo

Ben o iponela tsala e ntšhwa

Llori ya Matipatipane



Sethole se sennye se sehividu

Amo o ya kwa ngakeng

Toro ya ga Dudu